

Broj: 04-14-948-2/19
Goražde, 20.08.2019. godine

Na osnovu Odluke Vlade Bosansko-podrinjskog kantona Goražde o davanju saglasnosti na Program utroška sredstava „Program ruralnog razvoja za 2019. godinu“, broj: 03-14-919/19 od 19.07.2019. godine, utvrđenog budžetom Bosansko-podrinjskog kantona Goražde za 2019. godinu, Ministarstvo za privredu Bosansko-podrinjskog kantona Goražde, **o b j a v l j u j e**:

JAVNI POZIV
za podnošenje zahtjeva i projekata za korištenje sredstava po
Programu ruralnog razvoja za 2019. godinu

Pravo učešća putem zahtjeva po ovom Javnom pozivu u okviru posebnog cilja prve komponente Programa tj. Podsticanje konkurentnosti ruralnog područja - investicije u poljoprivredna gazdinstva, imaju fizička lica sa područja Bosansko-podrinjskog kantona Goražde i to za sljedeće aktivnosti:

- nabavka poljoprivredne mehanizacije i opreme;
- izgradnja ili rekonstrukcija štalskih objekata.

Pravo učešća putem projekata po ovom Javnom pozivu u okviru posebnog cilja druge komponente Programa tj. Podsticanje konkurentnosti ruralnog područja - ruralna infrastruktura, imaju jedinice lokalne samouprave i neprofitne organizacije sa područja Bosansko-podrinjskog kantona Goražde i to za sljedeće aktivnosti:

- sanacija nekategorisanih puteva koji povezuju naseljena mjesta, dijelove naseljenog mjesta u ruralnim područjima, te pristupnih puteva do poljoprivrednih površina i gazdinstava ne uključujući asfaltiranje
- asfaltiranje nekategorisanih puteva koja povezuju naseljena mjesta u ruralnim područjima, pristupne puteve farmama, odkupnim stanicama i sl,
- sufinansiranje izgradnje ili zamjene ulične rasvjete, vodovodne, kanalizacione, komunikacione infrastrukture, izgradnja lovnoprivrednih objekata, utopljavanje lovnoprivrednih objekata, kao i sanacija i rekonstrukcija lovnoprivrednih objekata.

Opšti uslovi za učestvovanje aplikantata u Programu su:

- Da su upisani u registar poljoprivrednih gazdinstava, odnosno registar klijanata u skladu sa Zakonom o poljoprivredi,
- Da imaju proizvodnju na području Bosansko-podrinjskog kantona Goražde ili da krajnji korisnici projekta imaju poljoprivrednu proizvodnju na području Bosansko-podrinjskog kantona Goražde,
- Da imaju registraciju na području Bosansko-podrinjskog kantona Goražde.

Posebni uslovi za učestvovanje aplikantata u Programu su:

- Da su namjenski utrošili sredstva odobrena od strane Vlade Bosansko-podrinjskog kantona Goražde u periodu od protekle tri godine, ukoliko im je takva pomoć dodjeljena,
- Da su ispunili ugovorene obaveze po odobrenim grantovima Vlade Bosansko-podrinjskog kantona Goražde, ukoliko su ih dobili u zadnje tri budžetske godine,
- Da nisu koristili novčana sredstva za iste namjene u periodu od protekle tri godine iz sredstava ovog programa,

- Da su neprofitne organizacije registrovane najmanje jednu godinu dana od dana podnošenja aplikacije za učestvovanje u programu,
- Da nemaju neizmirenih obaveza za poreze i doprinose osim obaveza koje su obuhvaćene ugovorom o reprogramiranju obaveza (izuzimajući indirektno poreze),
- **Korisnici koji nisu ispoštovali ugovorene obaveze (nisu namjenski utrošili doznačena sredstva, nisu dostavili izvještaje o namjenskom utrošku sredstava u skladu sa potpisanim Ugovorom) ne mogu aplicirati po ovom programu u naredne tri godine, kao i odgovorno lice iz takvog pravnog subjekta u bilo kojem drugom pravnom subjektu.**

Minimalni i maksimalni iznos sredstava koji može biti zatražen za sufinansiranje projekta kreće se u rasponu od 1.000,00KM do 5.000,00KM. Minimalni i maksimalni iznos sredstava koji može biti zatražen za sufinansiranje zahtjeva kreće se u rasponu od 500,00KM do 2.000,00KM.

Aplikant može dostaviti samo jedan prijedlog projekta ili zahtjeva.

Aplikanti koji apliciraju s projektima dužni su osigurati vlastito učešće u sufinansiranju projekta u iznosu minimalno 20%, a aplikanti koji apliciraju sa zahtjevima u iznosu minimalno 15%.

Uz prijedlog projekata aplikanti dostavljaju sljedeću dokumentaciju (jedinice lokalne samouprave i neprofitne organizacije):

- Potvrda o upisu u Registar poljoprivrednih gazdinstava i klijenata,
- Dokaz o registraciji pravnog subjekta na području Bosansko-podrinjskog kantona Goražde od nadležnog organa,
- Uvjerenjem o poreznoj registraciji-identifikacioni broj,
- Potvrda od banke o otvorenom žiro računu aplikanta,
- Uvjerenje o izmirenim poreskim obavezama (izuzimajući indirektno poreze),
- Uvjerenje o izmirenim porezima i doprinosima za zaposlenike (ukoliko nema zaposlenih dostavlja ovjerenu izjavu da nema uposlenih i neizmirenih obaveza),
- Bilans stanja i bilans uspjeha ovjeren od strane nadležne poreske uprave za prethodnu godinu (dostavljaju samo neprofitne organizacije),
- Narativni finansijski izvještaj za prethodnu godinu (dostavljaju samo neprofitne organizacije).

Uz prijedlog zahtjeva aplikanti dostavljaju sljedeću dokumentaciju (fizička lica):

- Potvrda o upisu u Registar poljoprivrednih gazdinstava i klijenata,
- Uvjerenje o izmirenim poreskim obavezama (izuzimajući indirektno poreze),
- Potvrda od banke o otvorenom žiro računu aplikanta.

Aplikaciona forma zahtjeva ili projekata objavljena je na Web stranici Vlade BPK-a Goražde.

Prijedlozi zahtjeva i projekata dostavljaju se Ministarstvu za privredu do 19.09.2019. godine na sljedeću adresu:

**Ministarstvo za privredu
Bosansko – podrinjski kanton Goražde**

ul. Maršala Tita br. 5

Goražde

Sa naznakom:

**<<NE OTVARAJ –PRIJAVA NA JAVNI POZIV ZA
KORIŠTENJE SREDSTAVA PO PROGRAMU RURALNOG RAZVOJA
ZA 2019. GODINU>>**

Detaljne informacije za podnošenje zahtjeva i projekata po Programu ruralnog razvoja za 2019. godinu mogu se dobiti u Ministarstvu za privredu Bosansko-podrinjskog kantona Goražde (Sektor za poljoprivredu), kao i na telefon broj:038/227-857.

MINISTAR

mr.sc.Mensad Arnaut